



პირადი ჰიგიენის პროდუქტების
გამარტივებული ელექტრონული ტენდერის საშუალებით
შესყიდვის

სატენდერო დოკუმენტაცია

ქ. თბილისი
2015 წელი

1. ტექნიკური დოკუმენტაცია

1.1. პრეტენდენტის მიერ შესყიდვების ერთიან ელექტრონულ სისტემაში ატვირთული ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

- ა) პრეტენდენტის სრულ რეკვიზიტებს (დასახელება, იურიდიული და ფაქტობრივი მისამართი), ხელმძღვანელის სახელი და გვარი, საკონტაქტო პირის/ების სახელი, გვარი, ტელეფონის ნომერი, ელექტრონული ფოსტის მისამართი, საბანკო რეკვიზიტები;
- ბ) „ფასების ცხრილის“ შევსებულ ფორმას სატენდერო დოკუმენტაციის დანართი №1-ის მიხედვით.
- გ) ტექნიკურ დავალებაში მითითებული საქონელის მწარმოებელ კომპანიას (კომპანიებს) უნდა გააჩნდეს ხარისხის მართვის სტანდარტის ISO9000-ის სერიის მოქმედი სერტიფიკატი. ამის დასადასტურებლად პრეტენდენტი ვალდებულია ატვირთოს შესაბამისი საბუთი ან/და მიუთითოს ინფორმაცია, რომელიც მოპოვებულია საქონლის მწარმოებელი კომპანიის ან მისი წარმომადგენლობის ოფიციალური ვებ-გვერდიდან.

1.2. სატენდერო წინადადებას ხელს უნდა აწერდეს პრეტენდენტის ხელმძღვანელი ან მის მიერ უფლებამოსილი პირი (ამ შემთხვევაში სისტემაში ატვირთული უნდა იქნეს უფლებამოსილების დამადასტურებელი დოკუმენტი).

1.3. შესყიდვის სავარაუდო ღირებულება: **23 180** ლარი (დღგ-ს გარეშე).

1.4. სატენდერო წინადადების ფასი უნდა იყოს საბოლოო და მოიცავდეს მიმწოდებლის ყველა ხარჯს დაკავშირებულს ვალდებულებების სრულ შესრულებასთან და საქართველოს კანონმდებლობით დადგენილ ყველა გადასახადს (გარდა დღგ). თუკი პრეტენდენტი დღგ-ს გადამხდელია, კანონმდებლობით დადგენილი წესით დღგ გათვალისწინებული იქნება ხელშეკრულებაში.

- ელექტრონულ ვაჭრობაში (დამატებით რაუნდებში) დაფიქსირებული მთლიანი ფასის ცვლილების შესაბამისად პრეტენდენტმა უნდა წარმოადგინოს ხელახალი განფასება.

წინასწარი ანგარიშსწორება ტენდერში არ გამოიყენება.

1.5. პრეტენდენტს უფლება არ აქვს წარმოადგინოს ალტერნატიული სატენდერო წინადადება.

1.6. შესყიდვის ობიექტის კლასიფიკატორის (CPV) კოდი: **33700000**.

ტენდერის შესახებ დამატებითი ინფორმაციის მიღება შესაძლებელია სატენდერო კომისიის აპარატში:

ჯაბა ვაჭარაძე. ტელ. 577 22 33 49

თეონა გაჩეჩილაძე. თელ. 2 744 373, t.gachechiladze@airnav.ge

შენიშვნები:

- 1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია ვებ-გვერდზე: www.procurement.gov.ge
- 2. სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება “გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ” მოცემულია ვებ-გვერდზე: www.procurement.gov.ge

ტექნიკური დავალება

შესყიდვის ობიექტის დასახელება, რაოდენობა და ტექნიკური
მახასიათებლები

№	საქონლის დასახელება და მახასიათებლები	რაოდენობა	განზომილება	CPV კოდი
1	ქაღალდის ხელსახოცი (პირსახოცი) Z დაკეცვის ტიპის, არანაკლებ 250 ფურცლიანი, ორფენა, 1 ცალი ფურცლის ზომა - 21X24 სმ, არანაკლებ 480 გრ, თეთრი ფერი.	3180	შეკერა	33763000
2	ტუალეტის ქაღალდი უმაღლესი ხარისხის, სამფენა, რბილი, თეთრი, 100% ცელულოზა (ქლორის გარეშე) არანაკლებ 200 მოსახვეი ფურცლით, 1 ფურცლის ზომა არანაკლებ 13X10 მინიმუმ 24მ (თეთრი).	13 000	ცალი	33761000
3	თხევადი საპონი (ექსტრა) 5 ლიტრიანი, ნეიტრალური არომატით.	150	ცალი	33711900
4	ხელის საპონი (მყარი), ანტიბაქტერიული, 90-100 გრ.	600	ცალი	33711900

საქონლის მიწოდება უნდა განხორციელდეს სახელმწიფო შესყიდვების შესახებ ხელშეკრულების გაფორმებიდან 2015 წლის 31 დეკემბრამდე, მისამართზე: ქ. თბილისი, 0198, აეროპორტი, შ.პ.ს. „საქაერონავიგაცია“ ადმინისტრაციული შენობა, შემსყიდველის მოთხოვნის შესაბამისად ეტაპობრივად (პარტიებად), საქონლის (მისი პარტიის) მიწოდება უნდა განხორციელდეს შემსყიდველის მიერ მოთხოვნის წაყენებიდან მაქსიმუმ 3 (სამი) სამუშაო დღის ვადაში.

ხელშეკრულების მოქმედების პერიოდში შემსყიდველის მოთხოვნის შესაბამისად შეიძლება შეიცვალოს მისაწოდებელი საქონლის რაოდენობა.

სახელმწიფო შესყიდვის შესახებ ხელშეკრულების პროექტი

ქ. თბილისი

————— 2015 წელი

ერთის მხრივ, შპს “საქაერონავიგაცია” (შემდგომში, შემსყიდველი) წარმოდგენილი გენერალური დირექტორის, გოჩა მეზურიშვილის სახით და მეორეს მხრივ, ————— (შემდგომში, მიმწოდებელი) წარმოდგენილი დირექტორის —————სახით, გამარტივებული ელექტრონული ტენდერის ჩატარების შედეგად ედებო სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების ობიექტი

- 1.1. ხელშეკრულების ობიექტია პირადი ჰიგიენის პროდუქტების შესყიდვა (შემდგომში, საქონელი).
- 1.2. საქონლის მიწოდების ადგილი: შპს “საქაერონავიგაცია”.
- 1.3. ხელშეკრულება იდება №SPA----- გამარტივებულ ელექტრონულ ტენდერში გამარჯვებულ პირთან.
- 1.4. შესყიდვის ობიექტის კლასიფიკატორის კოდია 337000000.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია განახორციელოს კონტროლი და ზედამხედველობა ხელშეკრულების პირობების შესრულებაზე, რომლის მიზანია საქონლის რაოდენობის, ხარისხისა და მიწოდების ვადების შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებს -----.

მუხლი 3. საქონლის მიღება-ჩაბარების წესი

- 3.1. საქონლის მიწოდების თაობაზე მხარეების უფლებამოსილი წარმომადგენლები აფორმებენ მიღება-ჩაბარების აქტს.
- 3.2. შემსყიდველის სახელით მიღება-ჩაბარების აქტზე ხელმოწერის უფლებამოსილება ენიჭება -----.

მუხლი 4. ხელშეკრულების ღირებულება და ანგარიშსწორების წესი

- 4.1. ხელშეკრულების ჯამური ღირებულება შეადგენს ----- (-----) ლარს.
- 4.2. შემსყიდველი ვალდებულია გადაუხადოს მიმწოდებელს მიწოდებული საქონლის შესაბამისი ღირებულება.
- 4.3. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.4. ხელშეკრულების ჯამური ღირებულების გადახდის ფორმაა საქართველოს ეროვნულ ვალუტაში უნაღდო ანგარიშსწორება.
- 4.5. ანგარიშსწორება ხორციელდება საქონლის მიწოდების შესახებ მიღება-ჩაბარების აქტის შედგენის, სასაქონლო ზედნადებისა და საგადასახადო ანგარიშფაქტურის შემსყიდველისთვის წარდგენიდან 10 კალენდარული დღის ვადაში.

მუხლი 5. მხარეთა უფლება-მოვალეობანი

- 5.1. მიმწოდებელი ვალდებულია:
 - 5.1.1. მიაწოდოს შემსყიდველს საქონელი ხელშეკრულების ძალაში შესვლიდან 2015 წლის 31 დეკემბრამდე, ეტაპობრივად, შემსყიდველის მიერ მოთხოვნის წაყენებიდან მაქსიმუმ 3 სამუშაო დღის ვადაში.
 - 5.1.2. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.
 - 5.1.3. შემსყიდველის მოთხოვნის საფუძველზე მიაწოდოს მას ინფორმაცია ხელშეკრულების პირობების შესრულების თაობაზე.
- 5.2. მიმწოდებელი უფლებამოსილია:
 - 5.2.1. მოითხოვოს საქონლის ღირებულების დროული და სრული გადახდა.
 - 5.2.2. მოითხოვოს ხელშეკრულების პირობების დაცვა.
 - 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
 - 5.3.1. გადაუხადოს მიმწოდებელს მიწოდებული საქონლის შესაბამისი ღირებულება ხელშეკრულებით დადგენილი წესით.
 - 5.3.2. შეამოწმოს საქონლის შესაბამისობა ხელშეკრულებით დადგენილ ხარისხთან.
- 5.4. შემსყიდველი უფლებამოსილია:
 - 5.4.1. განაცხადოს პრეტენზია მიწოდებულ საქონელთან დაკავშირებით, თუ იგი არ შეესაბამება ხელშეკრულებით დადგენილ პირობებს.
 - 5.4.2. განახორციელოს კონტროლი და ზედამხედველობა ხელშეკრულების შესრულებაზე.
 - 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 6. მხარეთა პასუხისმგებლობა

- 6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 0.1%-ის ოდენობით ყოველი ვადაგადაცილებული დღისთვის.
- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველ ვადაგადაცილებული დღისთვის.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის

დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

- 7.2. ხელშეკრულების მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შესხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 8. ხელშეკრულების შეწყვეტა

- 8.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
 - 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის მიწოდება.
 - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
 - 8.1.3. საქართველოს კანონმდებლობით გათვალისწინებულ სხვა შემთხვევებში.
 - 8.1.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.
 - 8.1.5. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

მუხლი 9. ხელშეკრულებაში ცვლილებებისა და დამატებების განხორციელების წესი

- 9.1. ხელშეკრულების ნებისმიერი ცვლილება ან დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად

დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. დავების გადაწყვეტა

- 10.1. მხარეები ვადადებული არიან მოავგარონ ყველა უთანხმოება მოლაპარაკების გზით, ხოლო ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 11. ხელშეკრულების მოქმედების ვადა

- 11.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს (-----).

მუხლი 12. დასკვნითი დებულებები

- 12.1. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

მუხლი 13. მხარეთა ხელმოწერები

შემსყიდველის სახელით:

მიმწოდებლის სახელით:

(უფლებამოსილი პირის სახელი,
ხელმოწერა და თანამდებობა)

(უფლებამოსილი პირის სახელი,
ხელმოწერა და თანამდებობა)

დანართი № 1

„შასების ცხრილი“

საქონლის დასახელება და ძირითადი ტექნიკური მახასიათებლები	მწარმოებელი კომპანია და წარმოშობის ქვეყანა	რაოდენობა	ერთეულის ფასი	მთლიანი ფასი
1	2	3	4	5

მიმწოდებლის დასახელება და ხელმოწერა _____